

**ТӨРИЙН АЛБАНЫ ЗӨВЛӨЛИЙН
ГАДААДЫН ИРГЭН, ХАРЬЯАТЫН ГАЗРЫН ДЭРГЭДЭХ
САЛБАР ЗӨВЛӨЛИЙН 2025 ОНЫ ЭХНИЙ ХАГАС ЖИЛИЙН
ҮЙЛ АЖИЛЛАГААНЫ ТАЙЛАН**

2025 оны 06 дугаар сарын 16

Улаанбаатар хот

Төрийн албаны зөвлөлийн Гадаадын иргэн, харьяатын газрын дэргэдэх салбар зөвлөлөөс 2025 оны эхний хагас жилийн дүнгээр гүйцэтгэсэн ажлын товч тайланг танилцуулж байна.

Нэг. Сул орон тооны сонгон шалгаруулалтын захиалгын талаар:

Төрийн албаны тухай хууль тогтоомжийн хүрээнд эхний хагас жилийн дүнгээр салбар зөвлөлөөс 5 удаа гүйцэтгэх 29 албан тушаалын сонгон шалгаруулалтын зарыг төрийн жинхэнэ албан хаагчдын хүрээнд 5-аас доошгүй хоног байгууллагын www.immigration.gov.mn цахим хуудсаар “Төрийн жинхэнэ албан хаагчийг шилжүүлэх, сэлгэн ажиллуулах зар”-ыг нээлттэй байршуулсан.

№	Зар эхэлсэн, дууссан огноо	Орон тоо		
		удирдах	гүйцэтгэх	албан тушаалын нэр
1	2025.02.18 2025.02.23	-	7	хуулийн мэргэжилтэн-1; үндсэн хөрөнгө, бараа материал хариуцсан мэргэжилтэн-1; ХБГ-хяналтын улсын байцаагч-2; мэргэжилтэн-1; ЗБГ-хяналтын улсын байцаагч-2.
2	2025.05.01 2025.05.06	-	3	МТХ-мэргэжилтэн-2; ХБГ-мэргэжилтэн-1.
3	2025.05.21 2025.05.27	-	8	үндсэн хөрөнгө, бараа материал хариуцсан мэргэжилтэн-1; ӨБГ-хяналтын улсын байцаагч-1; ББГ-хяналтын улсын байцаагч-1; ХБГ-хяналтын улсын байцаагч-3; ЗБГ-хяналтын улсын байцаагч-2.
4	2025.06.06 2025.06.12	-	8	МТХ-ахлах мэргэжилтэн-1, мэргэжилтэн-1; ӨБГ-ахлах мэргэжилтэн-1; ХБГ-хяналтын улсын байцаагч-2; мэргэжилтэн-1; ЗБГ-хяналтын улсын байцаагч-2.
5	2025.06.12 2025.16.18	-	3	ГХСХАХ-ахлах мэргэжилтэн-1; ББГ-ахлах мэргэжилтэн-1; ЗБГ, Сүхбаатар аймаг дахь хэлтэс-хяналтын улсын байцаагч-1.
ДҮН		0	29	

Дээрх зарын дагуу 12 иргэн shalgalt@immigration.gov.mn цахим хаягаар шилжин ажиллах хүсэлт ирүүлснээс Захиргаа, удирдлагын газарт хуулийн мэргэжилтний 1, Санхүү, хангалт үйлчилгээний газарт үндсэн хөрөнгө, бараа материал хариуцсан мэргэжилтний 1, Мэдээллийн технологийн хэлтэст сүлжээ хариуцсан мэргэжилтний 1, Баруун бүс дэх газарт хяналтын улсын байцаагчийн 1, нийт 4 албан тушаалын сул орон тоог төрийн бусад байгууллагад ажиллаж байгаа, Төрийн албаны тухай хууль тогтоомж, албан тушаалын тодорхойлолтод тавигдах шаардлагыг хангасан төрийн жинхэнэ албан хаагчдаас нөхсөн.

Тайлант хугацаанд Төрийн албаны тухай хууль тогтоомжийн хүрээнд салбар зөвлөлийн 02, 07, 08 дугаар тогтоолоор байгуулсан сонгон шалгаруулалт зохион байгуулах тусгай шалгалтын комиссын хурлаар төрийн жинхэнэ албан хаагчдаас нөхөгдөөгүй 15 албан тушаалын сул орон тооны захиалгыг салбар зөвлөлийн 3 удаагийн албан бичгээр болон [Монгол Улсын Төрийн албаны зөвлөлийн шалгалтын цахим систем](http://se-admin.csc.gov.mn) se-admin.csc.gov.mn-д ирүүлсэн захиалгыг хянаж, илгээсэн.

Хүснэгт 2

№	Албан бичгийн огноо, дугаар	Орон тоо		
		удирдах	гүйцэтгэх	албан тушаалын нэр
1	2025.02.25 №01	-	6	Үндсэн хөрөнгө, бараа материал хариуцсан мэргэжилтэн-1; ХБГ-хяналтын улсын байцаагч-2; мэргэжилтэн-1; ЗБГ-хяналтын улсын байцаагч-2.
2	2025.05.12 №02	-	2	МТХ-мэргэжилтэн-1; ХБГ-мэргэжилтэн-1.
3	2025.06.03 №03	-	6	ӨБГ-хяналтын улсын байцаагч-1; ХБГ-хяналтын улсын байцаагч-3; ЗБГ-хяналтын улсын байцаагч-2.
ДҮН		0	14	

Хоёр. Албан тушаалын тусгай шалгалтын талаар:

Төрийн тусгай гүйцэтгэх 14 албан тушаалын сул орон тоо нөхөх 3 удаагийн тусгай шалгалт зохион байгуулахаас 06 дугаар сарын 03-ны өдрийн мэдээллийн технологийн мэргэжилтэн, өгөгдлийн сан хариуцсан мэргэжилтний албан тушаалд бүртгүүлсэн 2 иргэн мэргэжлийн индекс таараагүй тул зохион байгуулаагүй, 1 шалгалтын хугацаа болоогүй.

Төрийн албаны зөвлөлийн www.csc.gov.mn цахим хуудсаар нээлттэй зарлуулсан 14 сул орон тооноос 5 буюу 35.7 хувь нөхөгдөөгүй, 42.8 хувь буюу 6 орон тоог нөхөх тусгай шалгалтын хугацаа болоогүй, хүлээгдэж байгаа юм.

Тусгай шалгалтад тэнцсэн иргэдийн 2 буюу 66.6 хувийг төрийн албанаас түр чөлөөлөгдсөн иргэний нөөц, 1 буюу 33.3 хувь нь 2024 оны төрийн албаны ерөнхий шалгалтын нөөцөд бүртгэлтэй иргэн байна.

№	Огноо	тоо		сул орон тоог		Тайлбар
		Удирдах албан тушаал	Гүйцэтгэх албан тушаал	Нөхсөн	Нөхөөгүй	
1	2025.04.29	-	6	3	3	Босго оноо хүрээгүй 2, бүртгүүлэх хүсэлт ирээгүй 1
2	2025.06.03		2	-	2	Шаардлага хангасан иргэн бүртгүүлээгүй-2
3	2025.06.26		6			Хугацаа болоогүй
ДҮН		-	14	3	5	

Салбар зөвлөлийн 02 дугаар сарын 24-ний өдрийн 02 дугаар тогтоолоор байгуулсан тусгай шалгалтын комиссын дүгнэлтийг үндэслэн Хойд бүс дэх газарт 2, Зүүн бүс дэх газарт 1, нийт 3 хяналтын улсын байцаагчийг салбар зөвлөлийн 04, 05, 06 дугаар тогтоолоор тус тус нэр дэвшүүлж, тухайн албан тушаалд томилсон.

Тусгай шалгалтад тэнцээгүй 3, мэргэжлийн индекс таарахгүй үндэслэлээр нэр дэвшүүлээгүй, шалгалтад оруулаагүй иргэдийн баримт бичгийг тухай бүр салбар зөвлөлөөс хянаж, баталгаажуулсан.

Тайлант хугацаанд сонгон шалгаруулалтын бүртгэл, шалгалтын явц, дүнд холбогдуулан ирүүлсэн өргөдөл, гомдол байхгүй.

Гурав. Бусад үйл ажиллагааны талаар:

Монгол Улсын Төрийн албаны зөвлөл төрийн албан хаагчийн улсын нэгдсэн тоо бүртгэлийг хөтлөх хуулиар хүлээсэн чиг үүргийнхээ дагуу төрийн албаны “Хүний нөөцийн удирдлагын мэдээллийн тогтолцоо цахим систем”-ийг хөгжүүлж, 4271 байгууллагыг хамарсан, нийт 228820 албан хаагчийн мэдээлэл бүхий их өгөгдлийн суурийг бий болгосон бөгөөд энэ оны 01 дүгээр сарын 31-ний өдөр болсон цахим системийн танилцуулах уулзалтад оролцож, шинээр хөгжүүлсэн зарим модуль, дэд системүүдийн шинэчлэлийн хүрээнд дараах арга хэмжээг авч хэрэгжүүллээ.

- Төрийн албаны зөвлөлийн “Хүний нөөцийн удирдлага, мэдээллийн тогтолцоо” цахим системд шинэчлэлт хийгдсэнтэй холбогдуулан төрийн албан хаагч бүр системд байгаа өөрийн мэдээлэлтэй танилцах, засварлах хүсэлт илгээх боломжтой болсонтой холбогдуулан нийт албан хаагчид www.csc.gov.mn цахим хуудасны “Төрийн албан хаагчийн портал” цэсэд танилт нэвтрэлтийн ДАН системээр нэвтрэн орж, өөрийн мэдээлэлтэй танилцах, засварлах шаардлагатай мэдээллийн хүсэлтийг илгээх, засварлуулах, баталгаажуулах тухай Захиргаа, удирдлагын газрын даргын 03 дугаар сарын 07-ны өдрийн 02/29 дотоод албан бичгээр төв, хилийн боомт, орон нутаг дахь нэгжүүдэд чиглэл хүргүүлсэн.
- Байгууллагын бүтэц, орон тооны мэдээлэл, төрийн тусгай удирдах, гүйцэтгэх албан тушаалын 252 албан тушаалд хамаарах 76 албан тушаалын тодорхойлолт, төрийн үйлчилгээний мэргэжлийн болон туслах 64 албан тушаалд хамаарах 20 ажлын байрны тодорхойлолтыг “Хүний нөөцийн удирдлага, мэдээллийн тогтолцоо” цахим системд хүний нөөцийн мэргэжилтнүүдийн оруулсныг салбар зөвлөлөөс нэг бүрчлэн хянаж, баталгаажуулсан.

Төрийн албаны зөвлөлийн даргын 2025 оны 01 дүгээр сарын 17-ны өдрийн “Ажлын хэсэг байгуулах тухай” 02 дугаар тушаалаар яам, агентлагийн дэргэдэх салбар зөвлөлтэй хамтран Төрийн албаны тухай хууль болон холбогдох бусад хуулиар хүлээсэн чиг үүргийн хэрэгжилт, хүний нөөцийн зохицуулалтын хэрэгжилтэд хяналт шалгалт хийх, төрийн албаны шинэтгэлийн талаар мэдээлэл, сургалт зохион байгуулах, мэргэшил арга зүйн зөвлөгөө өгөх, зөвлөн туслах зорилгоор 21 аймгийн 330 сумдад ажиллахаар шийдвэрлэсний дагуу байгууллагаас 2 албан хаагчийг 2, 3 дугаар сард ээлжийн хуваариар албан томилолтоор ажиллуулсан.

Төрийн албаны зөвлөлийн Гадаадын иргэн, харьяатын газрын дэргэдэх салбар зөвлөлийг төлөөлөн Хяналт-шинжилгээ, үнэлгээ, аудитын хэлтсийн нийцлийн аудит хариуцсан ахлах мэргэжилтэн 02 дугаар сарын 06-18-ны өдрүүдэд Хэнтий аймгийн Бор-Өндөр, Дархан, Баянмөнх, Галшар, Баянхутаг, Хэрлэн, Мөрөн, Дорнод аймгийн

Хэрлэн, Баянтүмэн, Булган, Сэргэлэн сумдад, салбар зөвлөлийн нарийн бичгийн дарга, Захиргаа, удирдлагын газрын хүний нөөц, сургалт хариуцсан ахлах мэргэжилтэн 03 дугаар сарын 17-31-ний өдрүүдэд Ховд аймгийн Дарви, Мөст, Цэцэг, Говь-Алтай аймгийн Тонхил, Дарви, Төгрөг, Бугат, Шарга, Баян-Уул сумдад албан томилолтоор тус тус ажилласан.

Тайлант хугацаанд салбар зөвлөлийн үйл ажиллагаа, сонгон шалгаруулалт, сул орон тоог нөхсөн тухай 2024 оны үйл ажиллагааны, энэ оны 1 дүгээр улирлын мэдээллийг байгууллагын www.immigration.gov.mn цахим хуудсанд болон төв, орон нутаг дахь нэгжийн албан хаагчдад нээлттэй танилцуулах зорилгоор egr.e-mongolia.mn цахим сүлжээнд тус тус байршууллаа.

Байгууллагын хүний нөөцөд дараах төрлийн судалгаа, мэдээлэлд баяжилт, хөдөлгөөн тухай бүр хийж, салбарын яам болон байгууллагын эрх бүхий албан тушаалтныг мэдээллээр хангаж хэвшсэн.

- төв болон хилийн боомт, орон нутаг дахь нэгжийн нийт албан хаагчдын дэлгэрэнгүй excel судалгаа;
- төрийн тусгай албан хаагчдын хилийн боомт, орон нутагт ажилласан хугацааны судалгаа;
- төв болон хилийн боомт, орон нутаг дахь нэгжийн нийт албан хаагчдын ажилласан жилийн excel судалгаа;
- олговортой, олговоргүй чөлөөний excel бүртгэл, судалгаа;
- төв болон хилийн боомт, орон нутаг дахь нэгжийн нийт албан хаагчдын сургууль, боловсрол, мэргэшсэн байдлын нэгдсэн excel судалгаа;
- төв болон хилийн боомт, орон нутаг дахь нэгжийн нийт албан хаагчдын гадаад сургалтад хамрагдсан талаарх нэгдсэн excel судалгаа;
- төрийн албан хаагчдын цахим хувийн хэрэг;
- төв болон хилийн боомт, орон нутаг дахь нэгжийн нийт албан хаагчдын аж байдлын дэлгэрэнгүй excel судалгаа;
- албан хаагчдын орон байрны нөхцөл байдлын excel судалгаа.

Байгууллагын төв болон хилийн боомт, орон нутаг дахь бүтцийн нэгжүүдийн хэмжээнд Төрийн албаны хууль тогтоомж, тухайн албан тушаалд тавигдах ерөнхий болон тусгай шаардлага зөрчсөн томилгоо байгууллагын хэмжээнд байхгүй.

Төрийн албаны тухай, Хөдөлмөрийн тухай хууль тогтоомжийн хүрээнд байгууллагын хэмжээнд хүний нөөцийн шилжилт хөдөлгөөнийг эхний хагас жилийн дүнгээр нэгтгэхэд албан тушаалын тусгай шалгалтаар 4, хөдөлмөр эрхлэлтийн харилцаа үүсгэж шинээр томилсон 11, нэгж хооронд болон бусад төрийн байгууллагаас шилжүүлэн ажиллуулсан 34, төрийн албанаас түр чөлөөлсөн 4, чөлөөлсөн, хөдөлмөр эрхлэлтийн харилцааг дуусгавар болгосон 5, шинээр жирэмсэн, амаржсаны чөлөөтэй 2, хүүхэд асрах чөлөө авсан 2 албан хаагч байна.

ТӨРИЙН АЛБАНЫ ЗӨВЛӨЛИЙН
ГАДААДЫН ИРГЭН, ХАРЬЯАТЫН ГАЗРЫН ДЭРГЭДЭХ
САЛБАР ЗӨВЛӨЛ